



UNIVERSITÄTS-
BIBLIOTHEK
PADERBORN

Universitätsbibliothek Paderborn

Tractatus De Regimine Ecclesiae Episcopalis In Octo Libros Distributus

Antonelli, Giovanni Carlo

Velitris, 1650

De exercentibus arte[m] iudiciari[a]e Astrologiae. Cap. XXII.

urn:nbn:de:hbz:466:1-11401

Barbof. d. all. 51. num. 135.

8 In hoc autem delicto testes, qui se liberatos à fortilegis affirmant faciunt fidem, etiam si socij criminis videantur, cum ad eos in prohibito consilio confugerint: quia non ut rei, sed ut testes deponentes de facto proprio admittuntur *secundum Ferr. qq. mor. p. 1 q. 45. num. 9. ubi citat Mascard. de Probat. tom. 3. concl. 1312. n. 55.*

9 Queres, qua pœna puniatur Sacerdos, qui in celebratione sacerorum nefandas, & turpes preces porrigit? Resp. talem Sacerdotem esse deponendum, ac beneficijs priuandum, & in perpetuum carcerem detrudendum, ut *post Souf. dicit Dian. par. 4. tr. 7. res. 10. ubi etiam addit, quod si Sacerdos Missas defunctorum celebrat pro uiuentibus, ut moriantur, à Sacerdotio priuatur, & perpetuo exilio relegatur vna cum eo, qui hoc consuluit, vel mandauit; possunt etiam tales alia arbitraria pœna puniri, ut supra diximus cum Vulp. in Prax. Iudic. d. cap. 37. num. 17.*

10 Queres 2, qua pœna puniantur Incantatores serpentum? Resp. quod de iure ciuili nec tales puniuntur, nec qui per incantationem suam grandines, vel intemperiem aeris, quo magis fructus saluentur, sedauerint, ut constat ex l. eorum C. de malef. & mathem. sed de iure canonico clerici degradantur, laici anathematizantur *iuxta cap. admoneant 26. q. 7. verum de consuetudine arbitrio Iudicis puniuntur Vulp. d. c. 37. num. 17. in istis enim incanta-*

tionibus inuocatur auxilium demonis vel expressè, vel tacitè, ut quando in eis insunt aliqua verba extranea, vel characteres, aut nomina ignota; & idè illas Christiana, & vera pietas repellit, & damnat *cap. illos 26. q. 2. dicit tamè Vulp. loco cit. num. 12. quod incantationes, in quibus imploratur auxilium Dei cum deuotione absque alia obseruatione superstitiosa intrinseca, vel extrinseca, non puniuntur.*

11 Eadem arbitraria pœna plectuntur qui verba, ac sententias Sacrae scripturae ad scurrilia, fabulosa, vana, adulationes, detractiões, superstitiones impias, & diabolicas incantationes, diuinationes, sortes, & similia audent usurpare *ex Conc. Trid. sess. 4. in Decreto de Edition. & vsu sacror. lib. 8. post hæc.*

S V M M A R I V M.

- 1 Contra exercentes artem iudiciariae Astrologiae procedunt tam ordinarij, quam Inquisitores.
- 2 Quibus plectantur pœnis de iure ciuili, & canonico.
- 3 Qui de statu Reip. Christianae, vel sedis Apostolicae seu vitæ Romani Pontificis, aut eius consanguineorum iudicia faciunt, ut læsa maiestatis rei puniuntur.
- 4 Qui censeantur rei iudiciariae Astrologiae.
- 5 Contra inclinationem caelestium corporum homo potest per rationem operari.
- 6 An prohibita sit predictio, vel iudicium circa inclinationes homi-

minun.

7 An prohibeatur conjectura, quæ ab alijs causis, & circumstantiis desumatur.

8 Item an prohibeantur iudicia, & naturales observationes circa rē medicam, navigationem, & Agri-
culturam.

C A P. XXII.

De exercentibus artem iudicia- riæ Astrologiæ.



Strologiæ iudiciariæ
superstitio iure di-
vino vetita est, ut
constat ex lib. *Leuitic.*
cap. 19. & 20. & ab

ecclesiasticis etiam, ac ciuilibus
legibus acriter punitur ex cap. 1.
& seq. 26. q. 5. l. *nemo Aruspice*
C. de malef. & mathem. & ex con-
stitutione Sixti V. incip. *Cæli, &*
Terræ creator, quam refert Qua-
rant. in ver. Astrologia iudiciaria,
vbi damnantur facientes iudicia
& natiuitates hominum, quibus
de futuris contingentibus, suc-
cessibus, fortuitisque casibus, aut
actionibus ex humana voluntate
pendentibus aliquid euenturum
affirmare audent, etiam si id se
non certò affirmare asserant, aut
protestentur: hæc enim cognitio
viribus naturæ haberi non potest
ut d. S. Thomas 2. 2. q. 95. art. 1. &
ideò referenda est ad disciplinā
malignorum spirituum, & occultam
eorum societatem *Sylu. in*
ver. superstitio num. 6. Nau. conf.
1. de Sortil. Megal. in ver. Astrolo-
gia num. 6. Vnde contra tales uti

de hæresi suspectos non tantum
ordinarij locorum, sed etiam In-
quisitores procedunt ex d. *constit.*
Sixti V. ut notant etiã DD. quos re-
fert, & sequitur Barbof. de offic. &
pot. Episc. par. 3. alleg. 5. n. 134.

Et de iure quidem ciuili huius
modi artē exercentes, & eos con-
sulentes ultimo supplicio plectū-
tur, ut in d. *hæmo Aruspice*; de
iure autem canonico pœna car-
ceris, exilij, pecuniaria, vel alia
arbitrio iudicis puniuntur, &
abiurant de leui: clerici verò præ-
ter has pœnas arbitrarias suspen-
duntur ab ordinibus, & beneficijs
priuantur ex d. cap. 1. & seq. 26. q.
5. & ex constitutione Sixti V. su-
pra citata.

Eadem pœna puniuntur, qui
ex astris præterita, vel præsentia
occulta cognoscere conātur: hæc
enim ita damnabilis est, sicut illa
quæ futura prædicat *Megal. in*
ver. Astrologia num. 9. & alij com-
muniter; quia nec futura, nec præ-
terita, aut præsentia ex astris co-
gnosci possunt absque pacto im-
plicito cum demone *S. T. h. 2. 2. q.*
95. ar. 6. in fin. Bonacin. de censur.
in part. disp. 2. q. 2. pun. 38. num. 5.
Vnde id expressè prohibetur in
cap. 1. & c. *ex tuarum de Sortil. &*
in lapud. Labconem D. si quis A-
strologus ff. de iniur. & famos.
libell.

Qui verò de statu Reip. Chri-
stiana, vel sedis Apostolicæ, seu
vita Romani Pontificis, aut eius
consanguineorum iudicia faciūt
seu facta in posterum penes se
retinent, vel alicui ostendunt,
aut verbis tractant, ultra excom-
muni-

- communicationem late sententia, etiam ut lese maiestatis rei ultimi supplicij, & confiscationis omnium bonorum, ac priuationis officiorum, & beneficiorum, si Clerici fuerint, penas incurrunt ex constitutione Urbani VII. quam refert Barbof. de offic. & pot. Episc. par. 3. all. 51. num. 134.
- 4 Obseruant autem DD. eos tantum Astrologia Iudiciaria esse reos, qui ex astris præcisè faciunt iudicia, vel natiuitates hominum circa futuros effectus contingentes ab humana voluntate pendentes, ac de istis loqui constitutionem Sixti V. ita Bonacin. de censur. in par. disp. 2. q. 2. pun. 38. nu. 3. & seq. Megal. in ver. Astrologia num. 6. Dian. par. 4. tr. 7. ref. 17. vbi citat Less. de iust. & iur. lib. 2. c. 43. dub. 6. num. 42. Barbof. loco cit. n. 134. quibus adde S. Tho. 2. 2. q. 95. ar. 5. vbi dicit, quod corpora caelestia non possunt esse per se causa operationum liberi arbitrij, licet possint ad hoc dispositiue inclinare, quatenus influunt in corpus humanum, & per consequens in vires sensitivas: quia tamen vires sensitivæ obediunt rationi, nulla necessitas ex hoc libero arbitrio imponitur, sed contra inclinationem celestium corporum homo potest per rationem operari, idem dicit Graff. par. 1. lib. 2. cap. 3. num. 12. & seq. Ricc. in Prax. for. eccles. par. 2. ref. 186. & alij communiter. vnde qui certo crederet, aliquem, quia sub tali sydere, vel constellatione natus fuerit, cogi ad bene, vel male operandum, in hæresim incidet c. illud 26. q. 2. Vulp. in Prax. Iudic. cap. 37. nu. 14. Megal. in ver. Astrologia num. 8.
- 6 Ex quo inferuat, nullo iure prohiberi prædictionem, vel iudiciū circa inclinationes hominum; de his enim aliquale iudicium trahi posse ab astris, dicit Sylu. in ver. superstitio n. 6. Bonacin. loco cit. pun. 38. nu. 3. Vulp. vbi supra p. 13. Megal. num. 6. & 7. Dian. par. 4. tr. 7. ref. 17. & alij communiter.
- 7 Inferunt 2. neque prohiberi eas coniecturas, quæ ab alijs etiam causis, & circumstantijs particularibus desumuntur, videlicet ab ipsa corporis complexionem, dispositionem, seu temperamento personæ, ab actionibus hominis, alijsque consimilibus circumstantijs, Sylu. in ver. superstitio num. 6. Bonacin. loco cit. num. 6. vbi citat Less. lib. 2. cap. 43. dub. 6. nu. 42. Sanch. in oper. mor. lib. 2. cap. 38. num. 33. & alios, & hanc esse communem d. Dian. p. 4. tr. 7. ref. 17.
- 8 Inferunt 3. non prohiberi iudicia, & naturales obseruationes circa rem medicam, nauigationem, & Agriculturam, ut constat ex d. constitutione Sixti V. & docet Sanchus Thom. loc. cit. d. ar. 1. Barbof. d. par. 3. all. 51. nu. 134. Ricc. in Prax. par. 2. ref. 186. Vulp. d. cap. 37. n. 13. & alij communiter.

S V M M A R I V M:

- 1 Crimen incendiij est mixti fori.
- 2 Qua pena puniatur Incendiaris de iure civili.
- 3 Item qua pena plectatur de iure canonico.

CAP.